

E fakaaogā vĕhea te Rapid Antigen Test

E kehekehe lava te faiga o nā hukehukega iĕnei, e fua lava ki te kamupani e ā lātou te fauhaga. E lahi lele nā rapid antigen testing e mulimuli ki nā fakatonuga iĕnei i lalo, kae hĕ ko nā mea hiaki uma. Fakamolemole oi mulimuli ki nā fakatonuga a te kamupani e ā lātou te mea hiaki.

Kaumaiga o nā mea ke hiaki pe i ei he hiamā




1 Kavekehe mai te mealākāu (swab) e mau ai te meavavae mai loto o tona taga.



2 Tuku ki loto o he pūihu, e tuha e 2-3cm mai te gutu o te pūihu.



3 Olo fakatāmilo mālie te lākau e mau ai te meavavae fakalima ki te koga tenā o te pūihu. Toe fakaaogā lava te lākau tĕnei e mau ai te meavavae, oi toe fai te faiga tĕnei ki te tahi pūihu.



4 Hiaki nā fakatonuga i te puha o te mahini hukehuke ke fakamautinoa te taimi hako ke faitau ai te lipoti. E kehekehe na taimi e fua lava ki te mahini.

Hukehukega o nā mea na kaumai ke hiaki



5 Fofole kehe te pepa gigila i luga o te gutu o te fagu, e i loto ai he hipili e fehoahoani ki te hukehukega o nā hiamā.




6 Tuku te lākau e mau ai te meavavae ki loto o te fagu tĕia e i ei ai te hipili. Heo lahi fakatāmilo faka 5 te lākau e mau ai te meavavae i loto o te fagu.




7 Fĕke ma fakatāmilo te mealākau e mau ai te vavae ki te i tū o te fagu ke fakafano kehe te hipili mai te meavavae, oi kavekehe ai.



8 Tapuni te fagu i tona tāpuni lava, fĕke lahi ki lalo. Tātā mālie te muli o te fagu ke lūlū fakalelei.



9 Fufuli te fagu mai luga ki lalo ma tāofi lelei. Kokoma mālie te fagu Fakagogolo na moti e manakomia ki luga o te mea e tatau ke fakamoti ki ei e vĕia lava ko nā fakatonuga ki te faiga o te mahini.




10 Fakamolemole oi hiaki nā fakatonuga o te mahini ma mulimuli ki te taimi e tatau ke hiaki ai nā lipoti.

Faitauga o nā hukehukega


E hĕ i ei he hiamā (negative)
Ko te laina e fokotahi i tafā o te C, ko tona uiga e hĕ i ei he hiamā (negative).



E iei te hiamā (positive)
Ko nā laina e lua, fokotahi i te tafā C ma te tahi i te T, ko tona uiga e iei te hiamā (positive).



Lipoti e hĕ lelei
Kāfai e hĕ i ei he laina i te tafā C, ko tona uiga ko te hukehukega e hĕ lelei te faiga.



Lipotiga o ō lipoti

E tatau ke fakailoa tō lipoti. E mafai ke fakailoa i loto o tō My Covid Record.

Fano ki te kupega mycovidrecord.health.nz pe telefoni ki te 0800 222 478 ma piki te filifiliga 3.

Kāfai ko koe e i loto o te hikimi o nā vaganā mō nā tino e taku ni close contact - ni tino nae tafapili ki he tino kua maua i te hiamā, e tatau ke fakailoa e koe tō lipoti ki tō pule faigālua.

